

Izaslanik Mehmed Bradarić postavio je dva pitanja.

Prvo pitanje upućeno je svim institucijama Bosne i Hercegovine i glasi:

1. “Koliko su institucije BiH u razdoblju 2006.-2011. godine isplatile na ime troškova školovanja svojim rukovoditeljima i zaposlenicima? Pregled pripremiti po godinama i korisnicima. Navesti koju poziciju odnosno koje poslove obavljaju oni koji su dobili sredstva za školovanje (prvenstveno me zanimaju dobivena sredstva za polaganje ispita i obranu magisterija i doktorata).
2. Za rukovoditelje institucija, bilo da su to bili ili su ministri ili ravnatelji institucija, navesti na kojim su temama magistrirali odnosno doktorirali, koliko obranjena tema ima dodirnih točaka s poslovima i zadacima koje su obavljali ili obavljaju u svojim institucijama.
3. Navesti jesu li osobe koje su dobile sredstva još u institucijama BiH ili su ih napustile dobrovoljno ili po prestanku mandata i jesu li u ugovorima koje su morali zaključiti prilikom dobivanja sredstava imali zaključenu klauzulu o roku u kojemu navedeni trebaju ostati u institucijama BiH.”

Drugo pitanje upućeno je Vijeću ministara BiH i glasi:

“Zašto je došlo do kašnjenja u realizaciji projekta digitalizacije audiodifuzije u BiH? Podsjećam na činjenicu da je BiH potpisivanjem multilateralnog sporazuma u Ženevi 2006. godine preuzela obvezu da najkasnije do 2015. godine u potpunosti ugasi analogni signal emitiranja u Bosni i Hercegovini. Na 18. sjednici, održanoj 22. 6. 2012., kada se raspravljalo o Izvješću o radu Ureda za razmatranje žalbi za 2011. godinu, upozorio sam da Ured ne primjenjuje u cijelosti svoj poslovnik, što je dovelo do dugotrajnog sukoba unutar URŽ-a i što je stvorilo probleme u vođenju žalbenog postupka u vezi s javnom nabavom opreme za prvu fazu digitalizacije javnih RTV servisa u BiH. Dakle, neobjašnjivo ponašanje odgovornih osoba u URŽ-u razlog je što ni nakon pet mjeseci od zakonom predviđenog roka nije donesena konačna odluka povodom žalbe. Dakle, tražim da Vijeće ministara BiH što hitnije naloži URŽ-u da, u granicama ovlasti utvrđenih Zakonom o javnim nabavama BiH i na način uređen Pravilnikom o radu Ureda, okonča postupanje po žalbama u spomenutom predmetu. U protivnome, građani BiH od 2015. godine neće moći koristiti svoje prijamljke.”